



UDRUŽENJE POSLODAVACA BRČKO DISTRIKTA BIH  
УДРУЖЕЊЕ ПОСЛОДАВАЦА БРЧКО ДИСТРИКТА БИХ  
EMPLOYER'S ASSOCIATION OF THE BRČKO DISTRICT OF BIH

Broj: 147/20  
Brčko, 07.08.2020. godine

**VLADA BRČKO DISTRIKTA BIH  
ODJELJENJE ZA POLJOPRIVREDU,  
ŠUMARSTVO I VODOPRIVREDU**

**Predmet:** Dostava komentara na Prednacrt Pravilnika o načinu i uslovima za podsticaj u poljoprivrednoj proizvodnji za 2020. godinu  
Veza Vaš akt broj: 09-1371PB-022/20 od 29.07.2020. godine

**Poštovani,**

Na osnovu zaprimljenog Prednacra Pravilnika o načinu i uslovima za podsticaj u poljoprivrednoj proizvodnji za 2020. godinu, dana 30.07.2020. godine, u prilogu Vam dostavljamo komentare na isti.


**S poštovanjem,**

**PRILOG:** Komentari na Prednacra Pravilnika o o načinu i uslovima za podsticaj u poljoprivrednoj proizvodnji za 2020. godinu

**DOSTAVLJENO:**

1. Naslovu
2. Arhivi

**PREDSJEDNIK**  
Udruženja poslodavaca Brčko distrikta  
Bosne i Hercegovine  
/ Seval Sulkanović /



Udruženje poslodavaca Brčko Distrikta BiH  
Bulevar Mira bb • 76100 Brčko Distrikt • Bosna i Hercegovina  
Tel./Faks: ++387 49/217 665 • e-mail: upbdbih@gmail.com • Internet: www.upbd.org  
ID broj: 4600207870007 Poslovni račun " Intesa Sanpaolo banka " broj: 1545002000502646

Удружење послодаваца Брчко Дистрикта БиХ  
Булевар Мира бб • 76100 Брчко Дистрикт • Босна и Херцеговина  
Тел./Факс: ++387 49/217 665 • е-маил: upbdbih@gmail.com • Интернет: www.upbd.org  
ИД број: 4600207870007 Пословни рачун " Интеса Санпаоло банка " број: 1545002000502646

## KOMENTARI NA PREDNACRT PRAVILNIKA O NAČINU I USLOVIMA ZA PODSTICAJ U POLJOPRIVREDNOJ PROIZVODNJI ZA 2020. GODINU

- U članu 2. dodati novi stav „ nj) **prosječan prinos** ( to je minimum koji proizvođač treba da ostvari po jedinici površine da bi ta proizvodnja bila predmet podsticaja),
- U član 6. pod g) iza riječi razvoja dodati zarez,a iza njega tekst „**što dokazuje dokumentom o predaji/prodaji poljoprivrednog proizvoda ili izvještajem o iskorištenju proizvedenog proizvoda u vlastitoj režiji**“ ( potvrda o prijemu proizvoda, potpisana izjava proizvođača o iskorištenju proizvođač-doradi,poklonu,otpisu- , tj. mjerljivi dokazi za kontrolu od strane inspekcije),
- U članu 22. **povećati podsticaje za suncokret na 600 KM/Hektaru a za soju,uljanu repicu i lan na 500 KM/Hektaru** (uljane kulture imaju siguran plasman, korisne su za plodored i popravku kvalitativnih svojstava zemljišta,osnov su za uređenje i ukрупnjavanje poljoprivrednih površina povoljnih za njihov uzgoj, bolje korištenje i uređenje zemljišta),
- U članu 39. povećati minimum na 5 grla,
- U članu 40. povećati iznos na 700 KM, a dijelom vezati za proizvodnju mlijeka,
- U članu 44. minim.broj povećati na 10,
- U članu 53. minim.broj povećati na 20,
- U članu 55. minim.broj povećati na 10,
- U članu 69.stav (1) dodati „**g) kamioni ili kombiji sa ugrađenim rashladnim uređajima nosivosti do 3 tone**“ ( za potrebe transporta poljoprivredno/prehrambenih proizvoda na tržište).

# PRIVREDNA KOMORA BRČKO HETROKTA RIH

- U članu 2. Pod dodati novi stav „nj) **prosječan prinos** ( to je minimum koji proizvođač treba da ostvari po jedinici površine da bi ta proizvodnja bila predmet podsticaja), i pod „o) **mikro bilje**“(uzgoj u zatvorenom prostodru)
- U član 6. pod g) iza riječi razvoja dodati zarez,a iza njega tekst „**što dokazuje dokumentom o predaji/prodaji poljoprivrednog proizvoda ili izvještajem o iskorištenju proizvedenog proizvoda u vlastitoj režiji**“ ( potvrda o prijemu proizvoda, potpisana izjava proizvođača o iskorištenju proizvoda- doradi,poklonu,otpisu- , tj. mjerljivi dokazi za kontrolu od strane inspekcije)
- U članu 22, **povećati podsticaje za suncokret na 600 KM/Hektaru a za soju, uljanu repicu i lan na 500 KM/Hektaru** (uljane kulture imaju siguran plasman, korisne su za plodored i popravku kvalitativnih svojstava zemljišta,osnov su za uređenje i ukрупnjavanje poljoprivrednih površina povoljnih za njihov uzgoj, bolje korištenje i uređenje zemljišta
- u članu 69.stav (1) dodati „**g) vozila sa ugrađenim rashladnim uređajima**“ ( za potrebe transporta poljoprivredno/prehrambenih proizvoda na tržište)



Smatram da bi u cilju uproštavanja podnošenja zahtjeva za ostvarivanje prava na poticaj trebalo podnosiocu zahtjeva maksimalno osloboditi nepotrebnih administriranja odnosno pribavljanja dokumentacije za koju je evidentno dupliranje ili odjel po službenoj dužnosti može pribaviti od poreznih i drugih organa Brčko distrikta. Na primjer:

U članku 7 točka 2 treba navesti: ako punomoć daje ovlašteni predstavnik pravne osobe dovoljno je da ista bude potpisana od starne ovlaštenog predstavnika i ovjerena pečatom pravne osobe, a ne tražiti ovjeru potpisa kod nadležnog organa, s obzirom da je potpis direktora ili ovlaštenog predstavnika već deponiran prilikom upisa u sudski registar. (u ranijim slučajevima traženo da direktor-ovlašteni predstavnik kod nadležnog organa ovjerava potpis na datoj punomoći)

U ovoj situaciji kada je poželjno kretanje stranaka svesti na minimum smatram da je ovo opravdano.

U članku 9 točka 3 stoji da se treba priložiti uvjerenje o izmirenim doprinosima za PIO i zdravstveno osiguranje zaposlenih.

S obzirom da Porezna uprava vodi evidenciju uplata doprinosa za zdravstveno osiguranje i doprinosa za nezaposlene, kao i direktnih poreza za sve obveznike onda je nepotrebno tražiti ovo uvjerenje posebno od fonda zdravstvenog osiguranja za pravna lica, nego bi Porezna uprava trebala da na svojem uvjerenju napiše da su izmireni porezi i doprinosi sa danom, a što se u Federaciji BiH i Republici Srpskoj primjenjuje od 2011 godine.

Uvjerenje iz Fondova PIO zbog dokaza o plaćanju doprinosa na PIO je opravdan s obzirom da porezni organ Brčko distrikta BiH nije u mogućnosti dati podatke o istom.

U članku 9 točka 6 stoji da je potrebno priložiti kopiju potvrde žiro računa od poslovne banke ne striji od 30 dana u momentu podnošenja zahtjeva

Smatram da je ovo također nepotrebno jer je podnosiocu zahtjeva važno da taj podatak bude točan i ako isti posjeduje dokument koji je starijeg datuma ili drugi adekvatan zamjenski dokument koji sadrži sve podatke neophodne za utvrđivanje elemenata za prijenos novčanih sredstva na njegov račun.

Ovaj dokument može biti i u formi obične poptisane izjave koju može dati sam podnositelj zahtjeva gdje će navesti broj transakcijskog računa banke na koji želi da mu se prenesu odobrena sredstva.

U protivnom svaki podnositelj mora otići u svoju poslovnu banku radi ishođenja dokumenta potvrde.

U ovoj situaciji kada je poželjno kretanje stranaka svesti na minimum smatram da je ovo opravdano.

U članku 9 točka 8 stoji da je potrebno pribaviti dokaz o plaćenju zakupnini za korištenje zemljišta u vlasništvu Distrikta. Smatram da bi Odjel po službenoj dužnosti mogao pribaviti ovaj dokument od nadležnog organa Brčko distrikta BiH, a što jer već navedeno u članku 6. Opći uvjeti za poticaj.

U ovoj situaciji kada je poželjno kretanje stranaka svesti na minimum smatram da je ovo opravdano.

Nije jasno koji organ izdaje dokument koji se traži u članku 9 točka 9. Treba precizno navesti.

U članku 17 gdje se definišu izuzeća od prava na poticaje treba navesti :

Od prava na poticaj predviđenog po ovom Pravilniku izuzeće se:

Korisnici koji: sjetvu, sadnju, tov, držanje stoke, ulaganje u kapitalne investicije i ruralni razvoj ne vrše po standardnim tehnologijama u skladu sa savremenom stručnom praksom.

S obzirom na činjenicu da postoji određeni broj proizvođača koji ne primjenjuju agrotehničke mjere niti tehnologije u proizvodnji koje omogućavaju uspješnu i rentabilnu proizvodnju. (postoji dosta površina koje se samo zasiju bez primjene agrotehničkih mjera i na istima nije moguće ostaviti nikakav prinos,

također postoji i slučajeva ne obrađivanja voćnjaka i dugogodišnjih zasada, a korisnici ostvaruju pravo na podsticaje za rod koji ne postoji.

Činjenice o stanju proizvodnje, kapitalnih investicija i sredstava koje su predmet uvida komisije trebale bi biti navedene u Članku 13 kao obavezni dio Zapisnika.

U Članku 48 poticaj za tov pilića treba povećati broj turnusa uz godinu tako da taj broj bude 6, s obzrom na duljinu trajanja turnusa od maksimalno 37 dana. Na taj način se postiže mogućnost da se utovi 6 turnusa godišnje, imajući u obzir potrebu za duljinu pauze između turnusa za čišćenje objekta, dezinfekciju i pripremu za novi turnus. Također bi bilo opravdano iznos poticaja povećati na 0,25 KM/kom.

S obzirom na velike površine poljoprivrednog zemljišta kojije su zarasle i ne koriste se u svrhu poljoprivredne proizvodnje bilo bi potrebno razmotriti mogućnost uvođenja poticaja za stavljanje u upotrebu ovakvih površina tj. krčenje, košenje, privođenje namjeni.

Nadalje bi bilo potrebno početi provoditi Zakon o poljoprivrednom zemljištu te sukladno tome uvesti obvezu održavanja poljoprivrednih površina u urednom stanju, kao i održavanje odvodnih kanala, sječu međa i dr.

Također bih istakao potrebu da se u narednom periodu iznađe način kako razgraničiti velike i komercijalne proizvođače od malih proizvođača.

Male proizvođače koji ne plaćaju nikakva davanja po osnovu socijalnog osiguranja i nateretu su budžeta prilikom korištenja zdravstvenog osiguranja treba ograničiti za visinu poticaja, dok ona pravna lica ili poduzetnike koji su registrirani kao porezni obveznici i za svoje zaposlenike plaćaju doprinose za socijalno osiguranje ne bi trebalo limitirati za maksimalni iznos poticaja.

Na ovaj način bi se otvorila mogućnost razvoja i većeg ulaganja u poljoprivrednu proizvodnju.

Rokove za predaju zahtjeva treba vratiti na 01.12.2020. godine, jer se mnoge investicije i započete proizvodnje ne mogu do tada završiti.

Pravilnik treba da se donosi odmah na početku godine, pogotovo ako sadrži bitne izmjene.


Ograničenja iznosa podsticaja na 120 000 KM usporava rast ulaganja i proizvodnje.

Skraćivanje rokova za podnošenje zahtjeva onemogućava da se pojedine proizvodnje obuhvate u cijelosti.





Mulahalilović Osman, sin Ismeta  
Ul. Asima Derviševića br. 31, Brčko distrikt BIH



**VLADA BRČKO DISTRIKTA BIH**  
**Odjel za poljoprivredu, šumarstvo i vodoprivredu**

**Na broj: 02-000031/20**

**PREDMET:** Primjedba na prednacrt Pravilnika o načinu i uslovima za podsticaj u poljoprivrednoj proizvodnji za 2020. godinu (Pravilnik);

**Prva opća primjedba:**

Obavještavam Odjel da sam primjedbe na prednacrt Pravilnika pisao i 05.05.2020. godine i ranije sam također pisao primjedbe na pravilnike.  
Do sada sam ukazivao na destruktivno djelovanje na poljoprivredu od službenika Odjela za poljoprivredu, šumarstvo i vodoprivredu (u daljem tekstu Odjel).  
Ponovno ukazujem na destruktivno djelovanje Odjela na poljoprivredu.

**U čemu se ogleda destrukcija;**

Odjel u pravilniku pogrešno podstiče deficitarne proizvodnje, npr. jabuku i krušku, kako za sadnju tako i za proizvedene količine.  
Rezultat: Jednostavnom analizom sadnje npr. jabuke i kruške, može se utvrditi, da se zadnjih 18. godina bukvalno nije zasadilo niti 1000 stabala jabuke.  
**Vidi:** Isplate podsticaja za sadnju jabuke od 2002. do 2019. godine.  
Ova destrukcija je stalna iako BIH uvozi 25 000 tona jabuke.  
Drugi mogući i najvjerovatniji razlog je što se voćarstvom bave poljoprivrednici u južnom dijelu Distrikta.  
Dakle, Bošnjaci.

**Druga opća primjedba:**

Druga opća primjedba je što se pravilnik svake godine mijenja i prilagođava pojedinim proizvodnjama, čak pojedinim poljoprivrednicima, a otežava ostvarivanje podsticaja pojedinim poljoprivrednicima, o čemu će biti riječi u daljem tekstu.  
Rezultat ove vrste destrukcije je što se ne znaju unaprijed uvjeti poslovanja i što poljoprivrednici u vlastitim kalkulacijama ne mogu unaprijed računati da će pravilnik biti stabilan i osigurati podsticaj za pojedine proizvodnje.  
FBIH ima stabilan pravilnik, koji je donešen 2017. godine (sl. Novine FBIH 32/17 str. 56 i 74), zatim samo dopune tog pravilnika (sl. novine FBIH 55/18 str 33, sl. Novine FBIH 56/18 str 9-11, službene novine 24/20 str 14-16).  
Dakle, u FBIH je donešen pravilnik 2017. godine i kasnije je isti samo doradivan.  
Uslovi i način podsticanja poljoprivrednika su od 2017. godine u FBIH stabilni.  
Ovo je u FBIH urađeno nakon korupcijske afere Lijanović i drugi, s ciljem stabiliziranja poljoprivrede i s ciljem stvaranja stabilnih uslova i načina podsticanja.



Jednostavno, da poljoprivrednici znaju šta ih čeka u podsticajima, da mogu planirati i računati na podsticaje u kalkulisanju poljoprivredne proizvodnje. Također je na ovakav način spriječena ili u velikoj mjeri ograničena korupcija u dodjeli podsticaja.

### **Treća opća primjedba:**

Treća opća primjedba je propisivanje odredbe u članu 6 Pravilnika, da sjetvu, sadnju, tov i držanje stoke vrši po standardnim tehnologijama u skladu sa savremenom stručnom praksom. Ova odredba je **korupcijska** odredba, koja omogućava proizvoljno tumačenje šta je savremena poljoprivredna proizvodnja.

**Vidi:** Rješenje Apelacione komisije Brčko distrikta BIH u predmetu Mehmedović Fahira, broj UP-II-23-000008/20, broj akta 01.7-0244MS-003/20 od 02.04.2020. godine.

Tom odredbom se omogućava službenicima Odjela, da tumače Pravilnik onako kako žele i faktički svojom voljom uskraćuju podsticaj onom kome žele, suprotno odredbama Pravilnika, a omogućava i korupciju u smislu da se poljoprivredniku kaže „dat ćeš novac službeniku Odjela da ti proizvodnja bude savremena, ako ne daš novac, tvoja proizvodnja nije savremena“.

Opća primjedba ostaje kao u mojim primjedbama od 05.05.2020. godine, kada su u pitanju „doživotni mandati šefova pododjela“.

Zapravo, **Vlada Brčko distrikta BIH nikada nije vladala, niti će vladati dok se to ne promijeni.**

Isti šefovi 19. godina sačinjavaju **destruktivne** opće akte (zakone i podzakonske akte), da bi što više, često samo iz vlastitog interesa, djelovali na privredu uopće.

Svaka vlada mora sa sobom povesti sebi odane šefove Pododjela, da temeljito i istrajno provode politiku vlade koju vladajuća većina dogovori na početku mandata.

Zbog ovih opstrukcija i destrukcija od strane šefova Pododjela, vlade nikada ne provedu politiku koju na početku mandata dogovore i to tako traje 19. godina.

Umjesto da šefovi pododjela budu reizborna mjesta kao što su pomoćnici ministra u Vladi FBiH i državnoj Vladi **reizborni**.

Naravno, šefovi pododjela ne trebaju ostati bez posla, već ih rasporediti u skladu sa stručnom spremom od „mlađeg referenta“, pa do šefa pododjela ponovo, ako zadovolje poslom koji treba da obavljaju.

Ostajem kod opće primjedbe u smislu da prednacrt Pravilnika može imati negativne reperijske za izvlačenje budžetskog novca van Brčko distrikta BIH, o čemu će u ovom tekstu kasnije biti riječi.

### **Član 6 stav (1) tačka (f) nacarta Pravilnika:**

Brisati ovu odredbu, kao odredbu koja omogućava korupciju, što je opisano naprijed u tekstu.

### **Član 6 nacarta Pravilnika:**

Brisati tekst u stavu (3) i tekst „(f) ovog člana utvrđuje komisija“.

Ove odredbe nije bilo u Pravilniku iz 2019. godine.

Objašnjeno je da ova odredba omogućava korupciju.

### **Član 7 stav 4 nacarta Pravilnika:**



Ovdje je u pitanju pokušaj propisivanja eliminacije GMO proizvodnje.

Ovaj pokušaj je zakasnio najmanje 20 godina, npr za soju.

Jedina zemlja u Evropi koja nema GMO soju je Srbija, a ni Srbija nije 100 % slobodna od GMO.

**Vidi:** Google pretrage

Za autora ove odredbe je potrebno postaviti nekoliko pitanja i dobiti odgovore na ta pitanja.

Da li je autoru poznato da se sjeme GMO soje ne proizvodi u BIH?

Da li je poznato da se sjeme GMO soje uvozi?

Zbog čega nisu spriječeni uvoznici GMO soje, a to je samo nekoliko ovlaštenih trgovaca za promet sjemenom?

Da li je poznato, da se GMO soja u cijeloj Evropi koristi za ishranu stoke i da se gotovo sva isključivo uvozi iz Brazila i Argentine?

Da li je poznato, ko kontroliše i da li se temeljito kontroliše uvoz GMO soje iz Brazila i Argentine, i imaju li autori ovog teksta o tome podatke?

Ponavljam, sa ovom odredbom se zakasnilo 20 godina u smislu sprečavanja uvoza sjemena GMO soje u BIH, zatim GMO kontrole soje koja se uvozi u BIH za prehranu stoke iz Brazila i Argentine.

Ako BIH želi postati druga zemlja u Evropi slobodna od GMO soje, onda treba preduzeti mjere na sprečavanju uvoza sjemena GMO soje, uvoza GMO soje za prehranu stoke npr. iz Brazila i Argentine.

U suprotnom, vjerovatno se nenamjerno favoriziraju uvoznici GMO soje za prehranu stoke, a sprečava se proizvodnja GMO soje u Brčko distriktu BIH, a da se pri tom dozvolio uvoz sjemena GMO soje i soje za ishranu stoke.

EU godišnje uveze 36.000.000 tona Gmo soje za ishranu stoke.

**Vidi:** Google pretragu,

**Vidi:** Agencija za bezbjednost hrane BIH je 2017 godine izdala 34 rješenja za uvoz GMO soje u BIH.

Dakle, Agencija za bezbjednost hrane BIH je nadležna za odobravanje uvoza GMO soje i kontrolu proizvodnje GMO hrane u BIH, a ne Odjel za poljoprivredu, šumarstvo i vodoprivredu Vlade Brčko distrikta BIH.

Postavlja se pitanje, da li je autor ovih izmjena u pravilniku zapravo lobista uvoznika soje, i da li ima za cilj gušenje proizvodnje soje u Brčko distriktu BIH, a favoriziranje uvoznika GMO soje.

**Prilog:** Članak Agrovijesti od 24.10.2017. godine

#### **Član 7 stav 7 nacarta Pravilnika:**

Pitanje za autora ove odredbe:

Kako riješiti pitanje dvostrukog dobijanja podsticaja, iz programa samozapošljavanja i po ovom Pravilniku?

#### **Član 10 nacarta Pravilnika:**

Komentar kao u članu 7 nacarta Pravilnika.

#### **Član 11 nacarta Pravilnika:**



U članu 11 stav 3 do sada su rokovi bili do 01.12.  
Pitanje je zbog čega se skratio ovaj rok za mjesec dana?

**Član 14 nacrtu Pravilnika:**

Ispraviti tehničku grešku u stavu 3, umejsto broja 1 upisati broj 2.

**Član 14 stav 7 nacrtu Pravilnika:**

Ne treba propisivati saglasnost nasljednika.

Obrazloženje:

Na ovakav način se onemogućava dobijanje podsticaja, jer ima nasljednika koji borave diljem svijeta, a notarska obrada saglasnosti je izuzetno skupa.

**Član 15 stav 5 nacrtu Pravilnika:**

U tački a) u ranijim pravilnicima je bio iznos 30.000,00 KM.

U tački b) alineja 3) ranije je bio iznos od 80.000,00 KM.

U tački c) ranije je bio iznos od 40.000,00 KM.

U stavu 8 ranije je bio iznos od 160.000,00 KM i iznos od 70.000,00 KM.

Obrazloženje:

Ponovo smatram da se radi o destruktivnom djelovanju na poljoprivredu, gdje se maksimalan iznos podsticaja ponovo smanjuje, umjesto da se podstiče tržišna proizvodnja, a socijalni faktor da se prenosi na socijalna davanja.

Svejedno će zbog nedostatka radne snage u poljoprivredi i masovnog odljeva stanovništva na zapad, doći do gašenja malih gazdinstava, kako zbog nedostatka radne snage, tako i zbog ekonomske neefikasnosti malih gazdinstava.

Ova odredba će imati za posljedicu još više smanjenje proizvodnje za tržište, ovisnost od uvoza, nedostatnost proizvodnje u BiH za vlastite potrebe, smanjenje BDP-a od poljoprivrede u ukupnom BDP-u, povećanje vanjsko trgovinskog deficita, itd, itd.

Dakle, opet destrukcija od Odjela za poljoprivredu, šumarstvo i vodoprivredu.

**Član 16 nacrtu Pravilnika:**

Nemam primjedbu, imam samo pohvalu.

Za svaku je pohvalu da se u internu kontrolu uključe inspektori iz inspektorata.

**Član 23 nacrtu Pravilnika:**

U stavu 1 ispraviti tehničku grešku, jer je ispuštena riječ „lavanda“.

**Član 29 stav 1 nacrtu Pravilnika:**

Dodati u proizvodnju povrća u otvorenom polju i grah.

Potpuno je nerazumno zbog čega se ne podstiče grah na otvorenom polju, pošto je poznato da se grah uvozi npr iz Kanade.

Cilj podsticaja jeste da se podstiče domaća proizvodnja, a ne da se ne podstiče.

**Član 32 nacrtu Pravilnika:**





Podsticaj za proizvedene količine voća.

U ranijim primjedbama od 05.05.2020. godine sam inzistirao da se bar izjednači podsticaj za jabuku, krušku i višnju sa šljivom.

Ako ne, da se više podstiče višnja, kruška i jabuka od šljive.

Međutim šljiva je sa ranijih 800,00 KM smanjena na 600,00 KM.

Cilj je opet destrukcija za proizvođače voća u južnom dijelu Distrikta.

Dakle, Bošnjake.

#### **Član 40 nacrtu Pravilnika:**

Brisati maksimalnu starost grla u momentu podnošenja zahtjeva.

##### **Obrazloženje:**

Cilj je opet destrukcija za proizvođače u južnom dijelu Distrikta.

Dakle, Bošnjake.

Jer je poznato da se Bošnjaci bave uzgojem rasplodnih krava.

Krava se teli do 14/15 godine, i do te godine daje odgovarajuće količine mlijeka.

Poljoprivredni proizvođač sam vodi računa da mu se krava redovno teli.

Ako se krava ne teli, on je proda.

Isto tako poljoprivredni proizvođač vodi računa da mu krava daje što više mlijeka.

Ako ne daje dovoljno mlijeka, on je proda.

Dakle, ne treba Odjel za poljoprivredu, šumarstvo i vodoprivredu voditi ekonomiju i kalkulacije poljoprivrednim proizvođačima, jer oni najbolje znaju voditi vlastitu ekonomiju i kalkulacije.

#### **Član 40 stav 2 nacrtu Pravilnika:**

Brisati tačke c) i d) koje ranije nisu bile propisane.

Opet otežavanje položaja Bošnjacima.

#### **Član 41 nacrtu Pravilnika:**

Isti komentar kao u članu 40, jer ovo ranije nije bilo propisano.

#### **Član 42 nacrtu Pravilnika:**

Isti komentar kao u članu 40 i 41, jer u stavu 3 alineja c) i d) ovo ranije nije bilo propisano.

#### **Član 44 nacrtu Pravilnika:**

Podsticaj za tov svinja.

Zbog čega je od 2017. godine uvedeno u pravilnike član 44. stav 1., da je **maksimalan broj turnusa 3**, kada je u svim pravilnicima do 2017. godine **maksimalan broj turnusa za svinje bio 2 turnusa**.

Vidi: Pravilnik iz 2016. godine

Zašto se za tov ovaca i koza uvodi minimalna i maksimalna starost u prednacrtu pravilnika za 2020. godinu (vidi član 52 i 54 nacrtu Pravilnika)?



**Zašto te starosne granice nema za rasplodne krmače i nazimice, vidi član 45 i 46 prednacrtu Pravilnika?**

**Zašto je podsticaj za tov svinja 70 KM, a za tov jagnjadi i jaradi 50 KM?**

**Zašto je podsticaj za rasplodne krmače 110 KM, za rasplodne nazimice 100 KM, a za rasplodne ovce 80 KM, a za koze 60 KM?**

To je zato što se gotovo isključivo Bošnjaci bave uzgojem ovaca, koza, jagnjadi i jaradi. Ovdje ne ulazim u prirodne predispozicije krmača, koje više oprase podmlatka nego koze i ovce, nego isključivo u visinu podsticaja.

Ovakvi različiti iznosi podsticaja su isključivo usmjereni protiv Bošnjaka i stavljaju ih u drastično nepovoljniji i diskriminirajući položaj u ostvarivanju prava na podsticaj.

Posebno napominjem da je uvođenjem trećeg turnusa u svinjogojstvo, podsticaj za tov svinja 2016. godine bio 851.100,00 KM, a 2019. godine 2.779.770,00 KM.

Ovaj podatak je više nego alarmantan.

Apsolutno je nesporno da treba podsticati uzgoj svake svinje u Brčko distriktu BiH.

Neka entiteti iz svojih budžeta podstiču svoje svinjogojstvo.

Međutim, čini se da se **podstiče uzgoj svinja iz entiteta**, na način da se ostvaruju podsticaji na **iste svinje i u entitetu i u Brčko distriktu BiH**, a na teret budžeta Brčko distrikta BiH.

Ovo je javna tajna, jer se uveliko priča o ovakvom duplom ostvarivanju podsticaja u entitetima i u Brčko distriktu BiH.

Iznosim podatke o kretanju visine podsticaja za svinjogojstvo od 2016. godine do 2019. godine.

Za tov svinja 2016. godine isplaćeno 851.100,00 KM, 2017. godine isplaćeno 1.481.330,00 KM, 2018. godine isplaćeno 2.145.990,00 KM, 2019. godine isplaćeno 2.779.770,00 KM.

Naime, podsticaj za tov svinja od 2.779.770,00 KM, kada se podijeli na 70,00 KM, koliko je podsticaj za jednu svinju, dobije se 39.711 komada svinja, puta najmanje 120 kg, to je 4.765.320 kg svinjetine.

**Te proizvodnje u Brčko distriktu BiH jednostavno nema**, ali to je posao za državne organe. Bilo bi odlično da imamo proizvodnju od 4.765.320 kg svinjetine, puta najniža cijena od 3,50 KM, to bi bilo oko 16.678.620,00 KM.

Bilo bi odlično da su poljoprivrednici u Brčko distriktu BiH prihodovali tih oko 16.000.000,00 KM.

Međutim, to je posao za nadležne istražne organe.

S druge strane, domaćim poljoprivrednim proizvođačima se smanjuju podsticaji.

Dakle, trebamo jačati domaće proizvođače, kako u svinjogojstvu tako i u svim drugim proizvodnjama.

Vlast ne treba osiromašiti domaće proizvođače, u korist proizvođača iz entiteta.

Jer su domaći proizvođači porezni obveznici, te i oni doprinose budžetu Brčko distrikta BiH, jer plaćaju PDV, kako na repromaterijale za svinjogojstvo i proizvodnju žitarica, tako i PDV na vlastitu potrošnju.

Ako se spriječi odliv podsticaja van Brčko distrikta BiH, **biti će prostora za povećanje svih vrsta poljoprivredne proizvodnje, uključujući i svinjogojstvo.**

**Dostavljeno:**

-Šefu Odjela za poljoprivredu, šumarstvo i vodoprivredu Vlade Brčko distrikta BiH

-Glavnom koordinatorskom centru Vlade Brčko distrikta BiH

-Predsjedniku Skupštine Brčko distrikta BiH

U Brčkom, dana 07.08.2020. godine

Mulahalilović Osman:







АДВОКАТ  
МИРКО СИМИЋ

Браће Рибникара бр. 37  
76 100 Брчко  
Тел/Факс: 00387/49 211 200  
Моб: 00387/65 467 308  
E-mail: [adv.simic@yahoo.com](mailto:adv.simic@yahoo.com)

04-00-2020

*Simic*

29

PRIGOVOR NA  
PREDNACRT P R A V I L N I K O NAČINU I USLOVIMA ZA PODSTICAJ U  
POLJOPRIVREDNOJ PROIZVODNJI ZA 2020. GODINU  
Broj predmeta: 02-000031/20 Broj akta: 09-1371PB-020/20

- U Prednacrtu Pravilnika o načinu i uslovima za podsticaj u poljoprivrednoj proizvodnji za 2020 godinu broj predmeta: 02-000031/20 broj akta: 09-1371PB-020/20., u članu 52 je regulisan podsticaj za rasplodne ovce u tabeli broj 1 i 2, dok je u članu 53 regulisan podsticaj za tov jagnjadi, tako da kada uporedimo ova dva člana imamo neregulisanu šilježad, a to je period između jagnjeta koje je do 6 mjeseci starosti o ovce zavisno od rase a to je od 17 do 21 mjesec, tako da je ostao neregulisan period poslije šest mjeseci života životinje, od jagnjeta do ovce, za razliku od svinja i krava, gdje je ovaj period podijeljen na način da se daje podsticaj za prase, nazimicu i krmaču odnosno za tele, junicu i kravu kako je to u članu 42 i 46 Nacrta, čime uzgajivači ovaca nisu u ravnopravnom položaju kao i uzgajivači svinja i krava.

-U Prednacrtu Pravilnika o načinu i uslovima za podsticaj u poljoprivrednoj proizvodnji za 2020 godinu broj predmeta: 02-000031/20 broj akta: 09-1371PB-020/20., u članu 58 je regulisan podsticaj za uzgoj ribe, gdje u stavu 4 tačka b), se traži "odobrenje za akvakulturu", koje Rješenje ne izdaje niti jedan organ Vlade BD BiH, tačnije trebalo bi da ga izdaje Odjeljenje za poljoprivredu, ali je prethodno potrebno pribaviti saglasnosti Odjeljenja za prostorno planiranje, Odjeljenja za Javnu bezbjednost, ekološku dozvolu, vjerovatno još nešto drugo, koja procedura bi bila složena, dugotrajna i skupa, a u periodu u kome se prijavljuju podsticaji od dana objavljivanja poziva to ne bi bilo moguće učiniti, tako da bi zahtjev bio nepotpun i na kraju odbijen, čime bi uzgajivači ribe ostali bez podsticaja, tako da predlažemo da se preuzme rješenje ovog pitanja, odnosno uslovi kako je to bilo u Pravilniku od 2019.g., a da se na ovaj način reguliše pitanje podsticaja za uzgoj ribe u sledećoj 2020 g., kako bi se uzgajivači i nadležni organi uprave pripremili.

Удруženje "Златни Сара" Брчко



*Zarić Đordije*

Zarić Đordije



UDRUŽENJE GRAĐANA  
«FARMER»  
BRKA-BRČKO DISTRIKT BiH

07-08-2020

Broj: 4 /20  
Dana: 05.08.2020. god.

VLADA BRČKO DISTRIKT BiH

Odjeljenje za poljoprivredu šumarstvo i vodoprivredu – vodno gospodarstvo

**PREDMET:** Dostava mišljenja-primjedbi na Prednacrt Pravilnika o načinu i uvjetima za podsticaj u poljoprivrednoj proizvodnji za 2020.god.

Veza vaš broj:02-000031/20 od 27.07.2020. god.

Dostavljeno mišljenje-primjedbe je unapređenje Prednacrtu Pravilnika za 2020.god.

Član 40

(Podsticaj za držanje rasplodnih krava)

- (1) Posebni kriterijumi i iznosi podsticaja za držanje rasplodnih krava određuju se na način naveden u tabeli:
- (1) r.br. 3-Maksimalna starost grla u momentu podnošenja zahtjeva.....10 godina,

**Predlažemo da se ova stavka briše iz više razloga:**


- nismo još u sistemu visoke prouduktivnosti krava sa vosokom stopom mliječnost,
- podsticaj još nije u namjeri razvoja stočarstva i mljekarasta
- svjeodci smo da se broj grla mljekara konstantno smanjuje
- mijeko nije u fazi rentabilnosti
- ako još ograničimo i starost karava onda svjesno gasimo ovu granu stočarstva i onda ovo malo stočara šaljemo na biro ili na socijalu.





Uvođenjem gore navedenog , mi bi stvarno podstakli veći broj grla u uzgoju i držanju i veću proizvodnju mlijeka i podsticaj bi imao karakter povećanja proizvodnje i razvoja a ne socijalnog održavanja.

**Predsjednik udruženja građana  
«FARMER» Brka-Brčko D. BiH**



Hanušić Mersed

Udruženje građana  
proizvođača mlijeka i mesa  
"FARMER"  
Brčko Distrikt, Brka



**DOO "BIOSIMES" Vršani  
76325 Vršani , bb**

Registar Okružni Privredni Sud Bijeljina  
059-0-Reg-17-000 835 od 21.08.2017.

Jednočlano društvo

Upisani i uplaćeni kapital 30.000,00 KM,

Ž.R. Raiffeisen banka Filijala Bijeljina

Broj ž.r. 1610250031970083

IB: 4403333390002

PIB: 403333390002

Tel/fax 055/370-571

Naš broj: 24/20

Datum: 05.08.2020. godine

**VLADA BRČKO DISTRIKTA BIH**  
**Odjeljenje za poljoprivredu,**  
**šumarstvo i vodoprivredu**  
**76100 Brčko distrikt BIH**  
**Bulevar Miru 1.**

Predmet: Dostava Komentara na Prednacrt pravilnika za podsticaje u poljoprivrednoj proizvodnji za 2020. godinu.

Poštovani,

Prema pozivu za dostavu komentara na Prednacrt pravilnika za podsticaje u poljoprivredi, objavljenom na stranici Vlade Brčko distrikta BIH, dostavljamo naš komentar:

1.

Mi razumijemo i poštujemo doneseni Zakon o izmjeni i dopuni Zakona o podsticaju u poljoprivrednoj proizvodnji Sl.glasnik Brčko Distrikta BIH broj 21/20 od 20.05.2020. godine i član 6. kojim se kaže:

*Član 6 (ZAKONA)*

*(Opšti uslovi za podsticaj)*

*e) ako je korisnik pravno lice da ima registrovano sjedište na teritoriji Distrikta.*

Prednacrt pravilnika za podsticaj u poljoprivredi za 2020. godinu, koji je usklađen sa pomenutim ZAKONOM isto kaže:

*Član 6 (PREDNACRTA PRAVILNIKA)*

*(Opšti uslovi za podsticaj)*

*e) ako je korisnik pravno lice da ima registrovano sjedište na teritoriji Distrikta*

2.

**Naš Komentar je vezan za član 77. pod (1) Prednacrtu Pravilnika koji kaže:**

**DIO TREĆI – PRELAZNE I ZAVRŠNE ODREDBE**  
**Član 77**

*(Način isplate neisplaćenih zahtjeva)*

*(1) Proizvodnja koja je započeta prije početka prijema zahtjeva, a koja se može utvrditi i ima prateću dokumentaciju, obuhvaćena je programom podsticaja za 2020. godinu.*

Naše preduzeće sa poslovnom jedinicom Farmom za tov junadi u Brčko Distriktu je započelo proizvodnju prije početka prijema zahtjeva, a što se može utvrditi pratećom dokumentacijom i Privremenim zapisnikom Odjeljenja za poljoprivredu Vlade Brčko distrikta BiH.

Mišljenja smo da se pravna praznina za period od početka godine do donošenja Zakona o izmjeni i dopuni Zakona o podsticaju treba regulisati dodatno u članu 77. i drugim članovima gdje je potrebno.

To mislimo u smislu da i poslovne jedinice, koje nisu obuhvaćene novim Pravilnikom jer nisu pravno lice, a koje su imale i završile proizvodnju i kod kojih je nadležna Komisija sačinila Privremeni Zapisnik pre izmjenjenog navedenog Zakona i ovog Pravilnika, budu obuhvaćene pravom na podsticaj.

S poštovanjem.

Direktor  
Jovanka Rosić



*[Handwritten signature]*

## Grupa poljoprivrednih proizvođača Pravnih lica

Skupština i Vlada Brčko distrikta

Босна и Херцеговина Брчко дистрикт БиХ Влада Брчко дистрикта БиХ		Bosna i Hercegovina Brčko distrikt BiH Vlada Brčko distrikta BiH	
Примљено: Приложено: Број предмета:		06.08.2020 Org. jedinica	
23-002097/20		01.1	
		Бројница Бр. прилога	Опјејмет Вриједност
		1	0,00

Dostavlja se:

- ✓ Na ruke Gradonačelniku Brčko distrikta BiH
- Na ruke Predsjedniku Skupštine Brčko distrikta
- ✓ Na ruke ministru poljoprivrede Brčko distrikta BiH

Poštovani predstavnici skupštinske većine i Vlade Brčko distrikta, poštovani poslanici Skupštine Brčko distrikta želimo ovim putem javno i transparentno da Vam se obratimo i izrazimo naše nezadovoljstvo po pitanju aktuelne poljoprivredne politike i mjera koje se provode ili bolje rečeno koje se ne provode s obzirom na činjenicu da pravilnik o podsticajima u poljoprivrednoj proizvodnji još uvijek nije usvojen a već 8 mjesec tekuće godine, mada je po zakonu morao biti usvojen mjesec nakon usvajanja budžeta. Takođe želimo da vas podsjetimo i na činjenicu da ste predvidjeli pomoć i mjere za saniranje posledica zbog pandemije korone za sve grane i oblasiti (što je za svaku pohvalu) osim za poljoprivredu, i dok se cijeli svijet kao i naše okruženje bori za što bolje uslove za poljoprivredu i uvode dodatne mjere, povećavaju iznose podsticaja, vrše interventne otkupe i slično, a sve sa ciljem unapređenja i poboljšanja stanja u poljoprivredi Vi kao da ne želite da vidite da je pandemija korone ukazala svima da je poljoprivreda osnovna grana razvoja i života, pogotovo u našim krajevima i posebno u Brčko distriktu gdje je slobodno možemo reći i jedina grana koja bilježi konstantan rast i napredak iz godine u godinu ali izgleda da je to za neke problem a ne uspjeh i dokaz ispravnosti dosadašnjih mjera pa žele iste da izmijene ali ne u smislu daljeg napretka i unapređenja nego kao da im je želja da poljoprivreda propadne i da se život na selu uništi.

Pitamo se kako da shvatimo činjenicu da nam se iza zatvorenih vrata skupštinske većine poručuje da za sve ima sredstva u budžetu distrikta za 2020 godinu, koji je uzgred budi rečeno nikad veći i trenutno je usvojen u iznosu od 275 miliona KM ali za poljoprivredu očigledno nema i jedino tu treba da se ostavre „uštede“ u nikad većem budžetu?! Kako drugačije objasniti činjenicu da budžet distrikta raste kao i davanja za sve kategorija a istovremeno sredstva predviđena za podsticaje u poljoprivredi se smanjuju!?

Poštovana gospodo želimo da Vas podjestimo da se u poljoprivredi podstiče PROIZVODNJA koja je stvarna i vidljiva po svakom zasijanom hektaru



površine, oranice, voćnjaka ili plastenika po svakom grlu stoke, košnice 2 ili ribe, i da je sve predmet provjere redovno na godišnjem nivou, da poljoprivreda utiče na BDP distrikta u iznosu od preko 40%, kao i da smo uslovljeni u pogledu broja zaposlenih ali i pojedinačnim iznosima u smislu maksimalnog iznosa podsticaja i moramo vam reći da nismo nezadovoljni sa tim, naprotiv zadovoljni smo bili svih ovih godina i nemamo ništa protiv da izvršite dodatne provjere svih proizvođača kao što Vas pozivamo da uklonite svaki vid korupcije i kriminala ali vas podsjećamo da su to radili vladini službenici a ne poljoprivrednici i znajte da imate u tome našu bezrezervnu podršku ali vas isto tako molimo da ukoliko nećete uraditi ništa u smislu unapređenje podsticajne politike ( a mjere koje trenutno predlažete će direktno negativno uticati kako na broj zaposlenih jer će sigurno svima biti isplativije da budu porodična gazdinstva i da ostvaruju pravo na podsticaj u iznosu od 25.000 ili 40.000 km<sup>2</sup> a bez obaveza prema državi nego da drže firme sa zaposlenim radnicima, tako i na obim proizvodnje) ako vam već nije bila ideja da usvojite zakon kojim će jasno biti sve propisano i određeno i koji se neće mijenjati kako vjetar duva onda zašto barem da famozni pravilnik ne donesete sa rokom važenja na duži vremenski period kao bismo imali neku sigurnost i znali na duži period na šta možemo da računamo u poljoprivrednoj proizvodnji, ili u konačnici barem nemojte da smanjujete budžetska sredstva i mijenjate pravilnik za tekuću godinu koji je svih godina u mandatu aktuelne vlade identičan u najvećem svom dijelu još od 2017 godine kako bismo bili barem u mogućnosti da završimo započete procese proizvodnje sa koliko toliko sigurnosti u budućnost.

Nadamo se da ćete ovaj naš apel shvatiti pozitivno i iskreno kao što smo ga mi i pisali, bez želje za politizaciju i uzimanje bilo čijih strana i da ćete imati razumijevanja za naše probleme, pa iako nismo ništa dodatno tražili niti dobili u vrijeme pandemije korone za razliku od svih ostalih, onda da ćete nam barem dozvoliti da se bavimo našim poslom (a to je jedino što mi i znamo i od čega živimo mi i naše porodice, kao i porodice naših uposlenika) kao što je bilo i do sad u redovnim okolnostima, i da shodno tome nećete mijenjati pravilnik o podsticajama u poljoprivrednoj proizvodnji za 2020 godinu nego da ćete usvojiti pravilnik kao što su bili i 2017, 18, 19 godine. S poštovanjem udruženja poljoprivrednih proizvođača







PETROVIĆ SAŠA  
za proizvodnju, promet i usluge  
**"MSN"**  
Brčko distrikt BiH

Preduzeće za prevoz, trgovinu i usluge  
"KRAJNOVIĆ"  
Brčko Distrikt  
BiH  
Preduzeće za trgovinu i usluge

Preduzeće za uzgoj goveda  
**"AGRO-BIK"**  
d.o.o.  
BRČKO

O. TROVINSKO PREDUZETAK  
"SAS COMERC"  
BROD bb  
Brčko distrikt  
BiH

Preduzeće za proizvodnju, trgovinu i usluge  
**"AGRO FARM"**  
d.o.o.  
BRČKO

Preduzeće za trgovinu i usluge  
**"BRIKUR"**  
d.o.o.  
BRČKO

Preduzeće za proizvodnju, trgovinu i usluge  
Brčko  
distrikt BiH  
2

SAMOSTALNI PREDUZETAK  
**"FARMA GABIĆ"**  
VI. STEVO GABIĆ  
BRČKO DISTRIKT

Preduzeće za proizvodnju, trgovinu i usluge  
**"BRODOTO"**  
BRČKO  
DISTR. BIH

Poljoprivredni proizvođač  
**MEDVOJE MRKONJIĆ**  
ID broj: 100 441 80 0001  
Krbeti bb  
Brčko distrikt BiH

Preduzeće za proizvodnju, trgovinu i usluge  
**"AGRO-KOŠTIĆ"**  
d.o.o.  
BRČKO

INDUSTRIJA MESA "ZP KOMERC" d.o.o.  
"FARMA JURADI"  
PODRUŽICA BROJ 4  
BREZOVO POLJE  
BRČKO DISTRIKT  
VRŠANI

Preduzeće za proizvodnju, trgovinu i usluge  
**"L.S. TRANSPORT"**  
d.o.o.  
BRČKO

**Risto Popović**  
poljoprivredni proizvođač  
Krišić br. 41, Brčko distrikt BiH  
ID br. 14180200089

Preduzeće za proizvodnju, promet i usluge  
**"EUROINVEST"**  
d.o.o.  
BRČKO

**ĐORAN VASIĆ**  
POLJOPRIVREDNI PROIZVOĐAČ  
Luke Čelavića br. 50  
76100 BRČKO DISTRIKT BIH

Preduzeće za odgovornosti za proizvodnju, promet i usluge  
**"BUFFALO-TRADE"**  
BRČKO

Preduzeće za odgovornosti za proizvodnju, promet i usluge  
**"AGROSYSTEM AGS"**  
BRČKO

ZASTUPNIK TRGOVINSKA PANAUNJA  
**"GOLMAN" s.p.**  
Gradice I, Brčko Distrikt  
ul. Vasić Milo  
Vatle Mils

D.O.O. za proizvodnju, trgovinu i usluge  
Brčko distrikt  
**"AGRO ROSIC"**

Preduzeće za proizvodnju, trgovinu i usluge  
**"AGRO PETA"**  
d.o.o.  
BRČKO

POLJOPRIVREDNO PREDUZETIMSTVO  
**"ERGELA"**  
VI. LEJLIĆ NASKO'S II  
BRČKO DISTRIKT BIH

**SADIK LEJLIĆ**  
POLJOPRIVREDNI PROIZVOĐAČ  
PALANKA bb, 76206  
BRČKO DISTRIKT  
100423820003

Preduzeće za proizvodnju, trgovinu i usluge  
**"ECO TAG"**  
Brčko distrikt BiH  
d.o.o.

**NIKOVA NIKOLIĆ**  
poljoprivredni proizvođač  
VUČIĆIĆIĆAC br. 30  
Brčko distrikt BiH  
ID broj: 100 43 700 0009

POLJOPRIVREDNI PROIZVOĐAČ  
**MILIJKA NIKOLIĆ**  
IB: 142001000501  
BRČKO DISTRIKT

**CVIJETA VASIĆ**  
POLJOPRIVREDNI PROIZVOĐAČ  
Luke Čelavića br. 50  
76100 BRČKO DISTRIKT BIH


Božan Stanić



Младен (Душко) Николић  
Улица Светог Саве број 55  
Брчко

1042  
2  
ADVOKAT  
PRETRAG ČOŠTOVIĆ  
Hatančević  
Borivoje  
Bričko  
mob. 337 63 948 566

Одјељење за пољопривреду, шумарство и водопривреду  
Владе Брчко дистрикта БиХ



**ПРЕДМЕТ:**

Примједба и коментар на преднацрт Правилника за подстицаје у пољопривреди за 2020. годину

Поштовани,

У складу са вашим позивом за достављање примједби и коментара на преднацрт Правилника за подстицаје у пољопривреди за 2020. годину, достављам вам примједбе и сугестије за које сматрам да бисте их требали узети у разматрање.

Наиме, према Правилнику за подстицаје у пољопривреди за 2019. годину, у потпуности остварујем права на подстицаје у пољопривреди у Брчко дистрикту БиХ, јер сам уписан у Регистар пољопривредних газдинстава на подручју Брчко дистрикта БиХ под бројем: 10711506989.

То право сам остварио на основу Уговора о закупу пољопривредног земљишта који сам закључио са мојим дједом Николић Млађеном из Вршана, којим ми је формално - правно омогућио да користим некретнине које су његово власништво и које се налазе на територији Брчко дистрикта БиХ, а исте су уписане у зк. уложак број 814 к.о. Брезово Поље.

Вама је сигурно познато да линија разграничења између Брчко дистрикта БиХ и Републике Српске пролази управо кроз село Вршани. Велики проблем за житеље села Вршани представља управо чињеница да се њихове парцеле и објекти налазе на територији дистрикта, а да имају пријављено пребивалиште у Републици Српској. Међу њима је свакако и мој дјед који читав свој живот обрађује парцеле које се сада налазе у дистрикту, а има пријављено мјесто пребивалишта у Вршанима.

Сматрајући да би био јако лош потез не искористити подстицаје у пољопривреди које Влада Брчко дистрикта БиХ даје свим лицима која остварују та права под условима прописаним важећим Правилником, а узимајући у обзир да је он 1947. године и да није више у стању да самостално вози аутомобил, нити да прикупља документацију, препустио је мени да као млађем, његовом насљеднику, региструјем газдинство на своје име, али на његовом имању. Како бих себи, али и осталим члановима своје породице олакшао живот, преселио сам се у Брчко и сада живим на адреси Светог Саве број 55, а на којој имам пријављено пребивалиште од 2019. године.

С обзиром да сам према важећем Правилнику о подстицајима у пољопривреди у Брчко дистрикту БиХ уредно регистровао пољопривредно газдинство, односно није било ни слутњи да ће новим Правилником за 2020. годину то моје стечено право бити



укинуто, моја породица и ја смо уложили велика материјална средства у изградњу савременог објекта и куповину опреме, као и набавку свиња ради узгоја и даље дистрибуције.

Дакле, узимајући у обзир да сам ранијим Правилником уредно остварио права на подстицај, сматрао сам да ће моја будућа улагања и рад бити потпомогнута од стране Владе Брчко дистрикта БиХ, јер у супротном сигурно не бисмо уложили толика средства.

Стога предлажем да би члан 6. став 1. тачка ф) Правилника за подстицаје у пољопривреди за 2020. годину требало измјенити тако да у будуће гласи:

„Право на подстицај има корисник под условом да посједује властито пољопривредно земљиште на територији дистрикта или има закључен уговор о закупу пољопривредног земљишта на територији дистрикта са крвним сродником или сродником по тазбини без обзира на дужину трајања пријављеног мјеста пребивалишта на територији дистрикта“.

Са друге стране, Статутом Брчко дистрикта БиХ је прописано да „Свако има право да ужива сва права и слободе гарантоване Уставом и законима Босне и Херцеговине, овим статутом и законима Дистрикта, без дискриминације по било којој основи, те да свако има право да се слободно креће и одређује своје мјесто пребивалишта, пословања или рада на цијелој територији Дистрикта, право да купује и продаје покретну и непокретну имовину у складу са законом.“.

Према томе, сматрам да одредба члана 6. став 1. тачка ф) није у складу са Статутом Брчко дистрикта БиХ и Уставом БиХ, јер је евидентно да се на тај начин дискриминишу лица која посједују некретнине у дистрикту, али не могу остварити иста права која уживају лица која имају пријављено мјесто пребивалишта у дистрикту дуже од пет година.

Уколико бисте узели у разматрање ове моје наводе и сугестије, мислим да бисте на тај начин могли ријешити многобројне проблеме пољопривредника који живе на граници ентитета и дистрикта, а који се баве ратарством, сточарством и другим пољопривредним гранама на територији дистрикта иако немају пријављено мјесто пребивалишта у дистрикту.

У Брчком, 07.08.2020. године

---

Младен Николић

